

Менга ёнишни ўргатинг, уста!



07:45 / 19.03.2019 4118

- Яхши, қўлинг тез келишди. Болғани ўз вақтида ур! Олдин ёки кейин урмагин! Бир хил оҳангда ва эҳтиёт бўлиб ур!
- Қара, Бишр, кўряпсанми? Темир ҳам юпқалашди. Ана шундай. Аста-секин юмшаб, бошқача шаклга киради.
- Ҳа, уста. Ҳақиқатан чиройли шаклга кирди. Қанийди мен ҳам шунга ўхшаб ўзгарсам.
- Ёнган ўзгаради.
- Ёнган?
- Ҳа. Ёниш керак!

- Ёнмоқ истайман! Ёнишим керак! Ёниш! Менга ёнишни ўргатинг, уста!

- Бу жуда қийин иш!

- Чидайман!

- Ҳар лаҳза тавба қилиш керак!

- Тавба қилдим!

- Ҳаром луқма ема!

- Емайман!

- Ҳаром жойга борма!

- Бормайман!

- Зино қилма!

- Қилмайман!

- Кибрланма!

- Яна!

- Ҳақ бўлсанг ҳам жанжаллашма!

- Яна!

- Омонатга хиёнат қилма!

- Яна!

- Бировнинг дилини оғритма!

- Яна!

- Бировнинг ҳаққини ема!

- Тавба қилдим! Ҳаром емайман! Ёлғон гапирмайман! Бировнинг дилини оғритмайман! Ҳеч ким билан жанжал қилмайман! Бировнинг омонатига хиёнат қилмайман! Кибрланмайман!

- Олов темирни қиздиргани каби Аллоҳ сенинг гуноҳларингни ёқиб, кулга айлантурсин!

